





古今歷代標題註釋十九史略通考卷四之上

前進士廬陵 曾 先 之 編次

松塢門人番陽竹窩余進宗海通考

東晉

○ 中宗元皇帝名睿琅邪王睿之孫也宣帝懿生

袖生觀或曰睿母實與琅邪小吏牛金通而

生於惠懷為再從兄弟睿音銳袖音宙從去睿

嗣觀為王懷帝時事為安東將軍都督揚州諸軍

事鎮建業以王導為謀主每事咨焉咨訪問也睿名

王勸用導
名勝東勝
江歸六心
掾百歸

論素輕吳人初不附導勸用諸名勝顧榮賀循

紀瞻等為掾屬撫綏新舊江東歸心焉後又得

庾亮卞壺等百餘人謂之百六掾屬音蜀壺音

譽議論也名勝謂有六人故曰百六掾桓彝避亂

過江見睿微弱憂之既而見導退謂周顛曰江

左有管夷吾吾無憂矣顛魚豈反○管仲相桓

諸名士遊宴新亭顛中坐而歎曰風景不殊舉

自有江河之異因相視流涕導曰當戮力王室

共復神州何至作楚囚對泣邪新亭在江寧縣南十里神州謂

祖逖
聞雞
起舞

誓清
中原

中愍帝以睿為左丞相范陽祖逖少有^大志嘗

與劉琨同寢中夜聞雞聲蹴琨起曰此非惡聲

也因起舞及是南渡請兵於睿睿素無北伐之

志以逖為豫州刺史與卒千人不給鎧仗逖渡

江中流擊楫而誓曰祖逖不能清中原而復濟

者有如此江少去聲蹴子六反鎧音愷楫音接

器也楫愍帝又以睿為丞相都督中外諸軍事

長安陷睿出師露次移檄北征實不行羣臣勸

即晉王位明年即皇帝位野宿曰○段匹磾殺

劉琨死

太尉廣武侯劉琨碑音初琨與祖逖齊名琨謂

入曰常恐祖生先吾著鞭懷愍時為并州刺史

琨出軍長史叛降石勒段匹磾時為幽州刺史

在薊城遣人邀琨琨率眾奔薊與段匹磾敵血

同盟翼戴晉室有欲襲取薊者遣書請琨為內

應書為邏騎所獲而琨實不知也竟為匹磾所

縊長上聲應為騎皆去聲邏即佐反○并州屬山西即太原府長史謂李弘也游兵曰邏

○漢主聰卒太子粲立其臣靳準弑而代之石

勒引兵討準劉曜自立於赤壁封勒為趙公曜

劉曜改為趙

疑勒自稱趙王曜亦改號為趙勒為後趙靳具

也姓○略陽臨渭氏酋蒲洪驍勇多權略群氏畏

服之劉聰嘗拜為將軍不受在懷帝世自稱畧

陽公至是降于趙主曜音通○略陽縣名屬河州胡之官長曰酋

○豫州刺史祖逖卒初逖取譙城進屯雍丘後

趙鎮戍歸逖者甚衆逖與將士同甘苦勸課農

桑撫納新附帝以戴淵為將軍來督諸軍事逖

以已剪荆棘收河南地而淵雍容一旦來統之

意甚怏怏又聞王敦與朝廷構隙將有內難知

蒲洪趙逖祖士若喪女父

慕容 鹿為 遼東 公 拓跋 猗盧 總攝 三部

大功不遂感激發病卒豫州士女若喪父母音朝

潮後並同難去聲喪平聲○雍丘縣名屬汴梁快快不滿之意遂成也 ○鮮卑慕

容鹿先是嘗遣使于晉受帝命為平州刺史至

是以為平州牧遼東公使去聲○平州屬河東今平遼府 ○初

拓跋祿官死猗盧總攝三部劉琨與猗盧結為

兄弟懷帝時表為大單于封代公帥部落自雲

中入鴈門琨與以陞北之地由是益盛嘗為琨

援大敗劉曜之兵於晉陽雲中郡名屬大同鴈門亦郡名即代州陞

即井陘縣屬威州 猗盧城威盛樂為北都平城為南都愍

猗盧 為王

帝進猗盧爵為王置官屬食代常山二郡常山郡屬

河北今真定府 猗盧愛少子欲立為嗣而出其長子六

脩使六脩拜其弟不從而去大怒討之兵敗而

遇弑猗也之子普根討滅六脩而自立尋卒去少

上聲長 國人立猗盧弟之子鬱律至是猗也之妻

殺鬱律而立其子賀偃鬱律之子什翼犍在襁

褓母匿之袴下得不殺偃農入聲什音涉犍音堅

○襁襁小兒之衣也 ○王敦舉兵反據石頭殺尚

書僕射周顛還武昌射音夜 初帝之始鎮江東也

王敦 及

王抑損
氏

敦與從弟導同心翼戴推心任之敦總征討導
專機政群從子弟布列顯要時人語曰王與馬
共天下從去聲推音吹○馬謂司馬晉姓也敦先領揚州刺史都
督征討諸軍進為鎮東大將軍都督江揚荆湘
交廣六州諸軍事江州刺史尋領荊州恃功驕
恣帝畏惡之乃引劉隗惡去聲○陳氏曰江州屬為腹心稍抑損王
氏權導亦漸見疎外江西今九江府湘州屬湖
南即長沙郡交州在兩粵敦參軍錢鳳等凶狡
即交趾廣州屬廣東也知敦有異志陰為畫策至是敦遂舉兵武昌以

王諸臺導
待罪
周顛
救導

誅隗協為名狡音絞陰為隗協勸帝盡誅王氏
帝不許導率宗族每且詣臺待罪周顛將入導
呼之曰伯仁以百口累卿顛不顧入見帝言導
忠誠申救甚至帝納其言顛醉而出導又呼顛
不與言顛左右曰今年殺諸賊奴取金印如斗
大繫肘後既出又上表明導無罪導不知恨之
呼去聲見音現肘音帝○御史帝召見導導稽
之府曰臺伯仁顛字也肘臂也首曰亂臣賊子何代無之不意今者近出臣族
帝跣而執其手曰茂弘方寄卿以百里之命以

王敦
不為
盛德
事

為前鋒大都督

茂弘導字也寄百里命說見論語集註

敦至石頭

城據之曰吾不復得為盛德事矣

言難掩無君之跡也

協等分道出戰大敗而還帝令百官詣石頭見

敦敦殺周顛導不救後料檢中書故事見顛表

執之流涕曰吾雖不殺伯仁伯仁由我而死幽

冥之間負此良友敦不朝而去

令去聲

帝憂憤成

疾而崩在位六年改元者三曰建武大興永昌

太子立是為肅宗明皇帝

史斷曰元帝本牛氏之子冒典午之裔避居

江表天下士民有思晉者皆裹糧而歸之中

外勸進拒而弗從及愍帝遇害始正位號亦

庶乎知節者加以天性簡儉容受直言初鎮

江東頗荒于酒王導正色直諫亟命引觴覆

之所幸鄭夫人衣無文綵布帳練帷詳刑簡

化史氏稱其光啓中興非溢美矣然帝才具

不優志氣非遠初以懷帝之命來臨江左國

有緩急固宜糾合義旅入衛王室而乃自為

封殖之謀無慷慨救時之志懷帝遂以蒙塵

迄不聞勤王之舉愍帝嗣立增重寄委制詔
深切所宜動心顧乃坐視神州陸沈戎馬縱
橫曾不以介意焉方且陽為出師遷延不進
遂使河南終淪左袵惜哉夫受君父之托而
坐視其禍變因時事之艱難而僥倖以自利
三綱淪矣其能以討賊乎此所以建國規模
亦復不競亂臣賊子如王敦者不旋踵而起
豈無自而然哉

○肅宗明皇帝名紹幼而聰慧嘗有使者從長安

好賢
禮士

來元帝問紹曰長安近日近紹曰長安近但聞
人從長安來不聞人從日邊來元帝奇其對一
日與群臣語及之復以問紹紹曰日近元帝愕
然曰何異間者之言邪紹曰舉頭見日不見長
安元帝益奇之使去聲愕音岳驚聞及長仁
孝喜文辭善武藝好賢禮士受規諫與庾亮溫
嶠等為布衣之交長上聲好去聲王敦在石頭以其有
勇略欲誣以不孝而廢之賴嶠等衆論沮其謀
至是即位沮慈呂反止也敦謀篡位移屯姑孰自領揚

以王導為都督大討之

州牧姑孰郡名屬江東今太平府 ○以王導為司徒加大都

督揚州刺史督諸軍討敦敦復反發兵而病使

郭璞璞筮之璞璞曰明公起事禍必不久敦大怒曰

卿壽幾何璞曰命盡今日日中敦斬之璞音朴帝

自出覘敦軍敦晝夢日環其營驚悟曰黃鬚鮮

卑兒來邪帝母鮮卑出也亟遣人追之不及覘音丑

廉反窺也鮮卑人鬚黃帝母荀氏燕人故帝類外氏而黃鬚也亟音棘急也帝帥諸

軍出屯南皇堂夜募壯士渡水掩敦兄王含軍

大破之南皇堂在江寧縣北敦聞含敗曰我兄老婢耳門

敦黨悉平

戶衰世事去矣因作勢起欲自行困乏復卧尋

卒敦黨悉平發敦屍斬之作勢起謂病困力乏強力而起也○復去

聲有司奏罪王氏兄弟詔曰司徒導以大義滅

親將十世宥之悉無所問宥音右 ○以陶侃都

督荆湘等州軍事侃少孤貧孝廉范逵過之侃

母湛氏截髮賣為酒食逵薦侃遂知名侃音苦且反少去

聲逵音葵湛從減反食音似○初為荊州都督

劉弘所用討義陽叛蠻張昌又討破江東叛將

陳敏又擊破湘州劇賊杜弢弢音叨○義陽郡名屬河南今信陽

州劇自江夏太守為荊州刺史王敦疾之左遷

廣州刺史江夏郡名即武昌古人侃在州朝運

百覽於齋外暮運於齋內人問其故答曰吾方

致力中原故習勞耳覽音僻磚也侃欲匡復神州故曰致力中原至

是復鎮荊州士女相慶侃性聰敏恭勤嘗曰大

禹聖人乃惜寸陰眾人當惜分陰言禹之克勤至惜寸陰衆

人與聖人相去懸絕雖分陰亦當惜也取諸參佐酒器蒲博具悉

投於江曰樗蒲者牧猪奴戲耳參佐貳副之官也樗蒲音樞蒲

賭博之具嘗造船籍竹頭木屑而掌之後正會雪霽

地濕以木屑布地及後有征蜀之師得侃竹頭

作釘裝船其綜理微密類此釘音丁○籍冊也所以記其數也正

會蓋正且朝會也○帝崩在位三年改元者一曰太寧

太子立是為顯宗成皇帝

史斷曰明帝潛謀獨斷躬率六軍掃除大慙

未及暮年敦黨悉平雖享國日淺而志亦可

壯矣

顯宗成皇帝名銜銜母庾氏五歲即位司徒王導

與帝舅中書令庾亮受遺詔輔政庾太后臨朝

輔政
蘇峻
反

卞壺
父子
忠孝

侃討
峻斬
石勒
大破
趙兵

朝音潮 後並同 ○歷陽內史蘇峻反峻前守臨淮於王

敦再犯闕時入衛有功威望漸著及在歷陽

銳器精志輕朝廷招納亡命庾亮脩石頭城以

備之建請徵峻為大司農峻舉兵陷姑孰尚書

令卞壺督軍與峻力戰死二子隨之亦赴敵死

母撫其屍曰父為忠臣子為孝子何恨庾亮出

奔峻兵犯闕庾太后以憂崩陶侃溫嶠入討峻

斬之歷陽郡名屬淮西今和州臨淮府名屬淮東威望威風名望也亡命謂有罪逃死者

建請謂建言奏請也 ○後趙王石勒大破趙兵於洛陽獲

趙主曜以歸殺之初曜與勒連攻戰互勝負曜

攻後趙金墉城勒自將救之大戰於洛陽趙兵

大潰曜醉墮馬為勒所獲前趙亡為去聲○金墉城在洛陽

西北○趙自劉淵僭號至是凡四世三十七年而亡 ○驃騎將軍始安公

溫嶠卒嶠初為劉琨所遣使江東毋不欲嶠絕

裾而去既至不復得歸北終身以為恨嶠盡心

晉室敦峻之平皆嶠力使去聲○敦峻王敦蘇峻也 ○趙王

勒稱趙天王尋稱帝嘗大饗群臣問曰朕可方

古何主或曰過於漢高勒笑曰人豈不自知卿

石勒
稱帝

溫嶠
卒

王 卒

言太過若遇高帝當北面事之與韓彭比有耳
若遇光武當並驅中原未知鹿死誰手大丈夫
行事當礪礪落落如日月皎然終不效曹孟德
司馬仲達欺人孤兒寡婦狐媚以取天下也音礪
磊○方比也韓彭韓信彭越也老狐能變化
以媚惑於人故稱欺誑誑惑者為狐媚也勒
雖不學好使人讀書而聽之時以其意論得失
聞者悅服嘗聽讀漢書至酈食其勸立六國後
驚曰此法當失何以遂得天下及聞張良諫乃
曰賴有此耳好去聲下同酈音力食音異其音并後遣使脩好于

晉晉焚其幣勒卒子弘立使去聲

胡氏曰石世龍謂人豈不自知信矣而未知
知入之不易也光武之於漢高猶武王之於
文王也勒謂遇高帝即與韓彭比有遇光武
則當並驅中原是以光武為韓彭之流豈知
光武者哉高帝開四百餘年基業石勒肉未
及冷妻子已不能保徐光乃謂神武謀略過
於漢高主有後心臣進諛說其不能長世也
宜哉

侃威
然名赫

石虎
自裁主立

改國
號漢

代什
翼捷
百制

太尉長沙公陶侃卒謚曰桓侃都督八州威名赫

然或謂侃嘗夢生翼上天門至八重折左翼

而下力能跋扈每思折翼之夢輒自制在軍中

四十一年明毅善斷人不能欺自南陵至白帝

數千里路不拾遺重平聲斷去聲○陳氏曰八

然明盛貌南陵郡名屬江東今○趙石虎弒其

主弘自立為趙天王殺勒種無遺類種上○成

主雄以兄子班為太子雄卒班立雄子越弒班

而立其弟期期忌雄弟壽威名使出屯于外壽

還襲弒期而自立改國號曰漢○代王翳槐卒

弟什翼犍立先是代王賀正卒弟紇那嗣紇那

出奔鬱律子翳槐立紇那復還翳槐奔趙趙納

翳槐于代翳槐臨卒命諸大人立什翼犍大人

也自猗盧死國多內難部落離散什翼犍雄勇

有智略能脩祖業始制百官號令明白政事清

簡百姓安之難令皆於是東自濊貊西及破落

那南距陰山北盡沙漠率皆歸服有衆數十萬

人拓跋氏自此愈大濊音畏○濊貊東夷國名

在朝鮮東破落那大宛之

後在疏勒西北陰山縣名屬開平
○丞相始興
沙漠匈奴南界即突厥中磧也

公王導卒初帝即位冲幼每見導必拜既冠猶

然委政於導冠去聲導以門地辟王述為掾述未

知名人謂之癡既見問江東米價述張目不答

王掾不癡

導曰王掾不癡辟音壁下同也鄱陽石氏曰導

以民食為急故問米價述以當今之務莫急於

內去強臣外復中原米價之問非所宜先故不

答導以述不答所問必有深見故謂述不癡

導每發言一坐莫不贊歎述正色曰人非堯舜何得每事盡善導改容謝之改容變色也導性寬厚所委任諸將多不奉法大

臣患之庾亮欲起兵廢導或勸導密備導曰吾

與元規休戚是同元規若來吾便角巾歸第復

何懼哉元規亮字也休樂也戚憂也第私居角巾以葛為之隱者之服亮雖居

外鎮而遙執朝權據上流擁強兵趨勢者多歸

之導內不能平嘗遇西風塵起舉扇自蔽徐曰

元規塵汚人也汚穢也導簡素寡欲善因事就功雖

無日用之益而歲計有餘輔相三世倉無儲穀

衣不重帛重平聲○陳氏曰以每日治效論之似無益以每歲治效計之則有餘三

王輔三衣重
導相世不帛

世元明成也儲積也

史斷曰東晉中興王導之功居多焉方元帝
之在藩也導獨知其可輔陳以興復之計傾
心推奉其於中興之功一也既而西都覆沒
四方勸進王敦憚帝嚴明欲更議所立賴導
固爭厥議遂止其於中興之功二也及其輔
政不以江左寡弱而為偷安之計方且大立
規模廣連羽翼先用顧榮賀循以來衆士盡
收過江名流以佐謀畫故桓彝見其亟談時
事而輟憂周顛聞其志復神州而收渙其於

中興之功三也是以賢士競進百姓歸心荆
揚晏安戶口殷實江左立國幾百餘年導之
功豈小小哉

司空庾亮卒初蘇峻之亂亮激之也峻平亮泥

首謝罪求外鎮自效泥首答蹄云囚首也後都

督江荆等州諸軍事辟殷浩參軍浩與褚裒皆

識度清遠善談老易擅名江東而浩尤為風流

所宗哀音播○老謂老子亮欲開復中原上疏

請率大衆移鎮石城遣諸軍羅布江沔為伐趙

不請庾亮
石城鎮

封慕
慕容
燕王

之規蔡謨曰不能以大江禦蘇峻安能以沔水
禦石虎乃詔諭止之至是卒于武昌以其弟翼
都督江荆等州軍事沔音免○石城在沔陽沔水出武都郡東南入江
○封慕容皝為燕王自皝父廆為遼東公立皝
為世子雄毅多權略喜經術廆卒皝立其下勸
稱王皝使請于晉遂封之使去聲帝崩在位十八
年頗有勤儉之德改元者二曰咸和咸康二子
丕奕在襁褓母弟琅琊王立是為康皇帝母弟
也之弟

○○○
力推

史斷曰成帝頗務簡約雄武之度雖有慊於
前王而恭儉之德足追蹤於往烈又能敬禮
故老大臣有足稱者惜乎政出渭陽賞刑顛
錯殺戮近親貶黜舊傳帝僅六歲已能詰問
流涕則庾亮之專國擅權可知矣蘇峻雖云
狂悖逆謀未彰亮處置失宜激成反狀乃奉
頭鼠竄倖僥求免遂致遺憂國母遷帝石頭
倘非溫嶠陶侃諸君子戮力討賊斬峻平亂
則社稷幾非晉有嗚呼危哉

殷浩
才名冠世

桓温
英雄之才

○康皇帝名岳成帝臨崩以岳為嗣遂即位○漢主壽卒太子勢立○庾翼移鎮襄陽詔以翼都督征討軍事翼為人慷慨喜功名不尚浮華殷浩才名冠世翼弗之重曰此輩宜東之高閣俟天下太平徐議其任耳時人擬浩管葛伺其出處以下興亡曰深源不出當如蒼生何翼請浩為司馬不應翼以王夷甫朝之冠應皆去聲處上聲○陳氏曰擬比也管葛管仲諸葛亮也伺候也深源浩字也夷甫衍字也譏浩但能如王衍清談耳琅邪內史桓温豪爽有風槩翼嘗薦之曰英雄之

才宜委以方召之任至是翼以滅胡取蜀為已任欲悉舉北伐乃移鎮而請命詔從之翼以温為前鋒督風槩威風氣槩也方召謂方叔召穆公也並周宣王御士○帝在位三年崩改元者一曰建元太子立是為孝宗穆皇帝

○孝宗穆皇帝名聃三歲即位會稽王昱輔政聃音聃○江州都督庾翼卒以桓温都督荆梁等州軍事翼初表其子領荆州何充曰荆楚國之西門豈可以白面少年當之桓温英略過人西

會稽王昱
輔政

桓温
伐漢

石虎
稱帝

褚哀
代表
趙請

任無出温者丹陽尹劉惔知温有不臣之志謂
昱曰温不可使居形勝地昱不聽竟以温代翼

少去聲惔音談○白面少年言不歷事也西任西夏之任也丹陽郡名即建業○漢主

李勢驕淫不恤國事桓温帥師伐之拜表即行

進至成都勢降送建康漢亡漢自李雄僭號至是五世凡四十四

年而○燕王皝卒世子儁立○趙主虎稱皇帝

尋卒太子世立其兄遵弑之而自立趙亂晉征

討都督褚哀表請伐之朝野以為中原指期可

復察謨獨以為莫若度德量力經營分表恐憂

蒲洪
來降

張重
華稱
涼王

及朝廷哀遣將果敗沒度音鐸分去聲○分表謂分限表外也○

蒲洪遣使來降使去聲下並同洪事趙累世至是石閔

言於趙主遵曰蒲洪人傑也今鎮關中恐秦雍

非國家有遵罷洪都督洪怒歸枋頭遂通于晉

石閔虎養子也枋頭秦歸云在汲郡即今衛輝府也○張重華自稱涼王

聲重平初惠帝之世張軌為涼州刺史威著西土

懷帝陷沒軌遣兵助愍帝於長安帝以軌為涼

州牧西平公軌卒子寔立為妖賊所殺弟茂立

趙主劉曜擊茂茂降趙茂卒寔之子駿立茂臨

石盡魏國
氏滅魏國

苻改稱蒲
姓王洪

終語駿必奉晉不可失駿雖臣於後趙石勒耻

之成帝時假道於蜀以通晉駿卒子重華立晉

遺使乃拜西平公重華自為王為妖之為去聲

忠晉自駿而後趙石鑑弒其主遵而自立石

閔又幽鑿殺之而自立改國號魏復姓冉氏殺

虎三十八孫盡滅石氏閔本姓冉為石虎養子

石勒僭號至是六世閔後為燕所破執而殺之

凡二十二年而亡○蒲洪自稱三秦王改姓苻洪先擒趙將

麻秋不殺而用其言因宴為秋所鳩子健斬秋

稱苻健
帝王

稱燕王
帝王

代領洪衆健入長安自稱秦天王已而稱帝為去

聲○陳氏曰以其地本封秦降將三人故稱

燕王僞稱皇帝○趙姚襄來歸而復叛襄父弋

仲南安赤亭羌酋也懷帝末戎夏糴負隨之者

數萬自稱扶風公其後服於前趙劉曜又事後

趙石勒石虎虎甚重之以為冠軍大將軍虎死

趙亂至冉閔滅趙弋仲遣使降晉復扶又反冠

郡名屬鞏昌即今鞏昌府赤亭水名弋仲卒襄率衆來歸詔襄屯

譙城後屯歷陽揚豫等州都督殷浩在壽春惡

殷浩北伐無功

桓温請廢浩

襄強盛遣將襲之為襄所斬先是朝廷聞中原
大亂復謀進取浩受任連年北伐無功至是率
諸軍再舉襄伏甲邀之浩至山桑襄縱擊浩大
敗走惡為皆去聲○西平公張重華卒子
曜靈立其下廢之而立張祚為涼公祚重華弟也○
殷浩以罪免為庶人浩連年北伐無功桓温因
朝野之怨上疏請廢之朝廷初以浩抗温浩廢
自此内外大權一歸温矣浩雖愁怨不形辭色
嘗書空作咄咄怪事字久之郗超勸温處浩令

三復官軍觀輔

王猛當務世

僕以書告之浩欣然答書慮有謀開閉十數竟
達空函温大怒遂絕卒於謫所咄當沒反郗音
咄咄容差語也浩望空書寫惟作咄咄怪○桓温
帥師伐秦大敗秦兵于藍田轉戰至灞上秦主
苻健閉長安小城自守三輔皆來降温撫諭居
民使安堵民爭持牛酒迎勞男女夾路觀之耆
老有垂泣者曰不圖今日復覩官軍勞復皆去
縣名屬安西北海王猛字景略侷儻有大志隱居華
陰聞温入關被褐謁之捫虱而談當世之務旁

若無人温與之間猛曰吾奉命除殘賊而三秦

豪傑未有至者何也猛曰公不遠數千里深入

敵境今長安咫尺而不渡灞水百姓未知公心

所以不至温默然無以應華應皆去聲捫音門

不羈之意華陰縣名屬華州揭毛布錢者之服也灞水出京兆藍田縣北入于渭

疑温有異志也温與秦兵戰于白鹿原不利秦人清野

温軍乏食欲與猛俱還猛不就百鹿原在末與縣初温指秦麥

以為糧既而秦人悉芟其麥故秦主健卒太

子生立○凉主弒其君祚立張玄靚為凉王玄靚

姚襄北許昌

祚子也○姚襄叛降于燕北據許昌又攻洛陽桓

温督諸軍討襄進至河上與僚屬登平乘樓北

望中原嘆曰使神州陸沉百年主夷甫諸人不

得不任其責至伊水襄戰連敗而走温屯金墉

謁諸陵置鎮戍而還襄將西圖關中秦遣兵拒

擊斬襄襄弟萇以衆降秦萇音長○陳氏曰陸沈謂平地陷沒也伊

水出商州上洛縣熊耳山至洛陽入洛諸陵西晉墳墓也○秦苻堅弒其君

生自立為天王堅生之叔雄之子也有薦王猛於堅者一

見如舊自謂如玄德之於孔明一歲中五遷官

苻王如舊見猛堅

謝安
少有名

舉異才脩廢職課農桑恤困窮秦民大悅昭烈

字孔明諸葛亮字也○燕王儁卒太子曄立曄音○桓

溫以謝安為征西司馬安少有重名前後徵辟

皆不就士大夫相謂曰安石不出如蒼生何年

四十餘乃出少去聲○帝在位十七年崩改元者

二曰永和升平無嗣成帝子琅琊王立是為哀

皇帝

史斷曰康帝降年不永無足多者穆帝繼祿

之資母后攝制中外無事十有餘年維時石

虎死胡中大亂朝廷乃用殺浩蕩平關河然

用遺其才卒致山桑之敗晉之威權自此一

歸桓溫矣蓋溫與浩少而齊名晉人之用浩

本圖抗溫故其敗也溫之勢浸以熾焉

哀皇帝名丕即位三年而寢疾又一年而崩改

元者二曰隆和興寧弟琅琊王立是為帝奕

帝奕名奕成帝之幼子也既即位以會稽王昱

為丞相○桓溫自哀帝時為大司馬都督中外

諸軍事錄尚書事加揚州牧移鎮姑孰以郗超

○哀帝疾 ○ 桓溫中諸軍外督

秦遣 燕 猛 伐 桓 温 蓄 不 志 臣 之

為參軍王珣為主簿人語曰髯參軍短主簿能
令公喜能令公怒令平○大司馬温帥師伐燕
秦人救之温及燕人戰于枋頭不利而還○燕
慕容垂既擊破晉軍威名日盛燕主忌之垂奔
秦秦以為冠軍將軍○秦遣王猛等伐燕取洛
陽秦主堅入鄴執燕主暉以歸燕自慕容皝稱
王及僭稱號至
是三世凡三十四年而亡○桓温陰蓄不臣之志嘗撫枕嘆
曰男子不流芳百世亦當遺臭萬年欲先立功
還受九錫及枋頭之敗威名頓挫郗超勸温行

伊霍之事以立大威權温遂入朝白太后廢帝
在位六年改元者一曰太和會稽王立是為簡
文皇帝在才即
反摧也

番陽石氏曰伊尹放太甲霍光廢昌邑王為
宗社計其心公也小人妄以為擬不亦異哉
史斷曰哀帝以及廢帝政出桓温太阿倒持
虛器徒擁卒被廢黜哀哉

○簡文皇帝名昱元帝子也清虛寡欲尤善玄言
桓温迎即位九閱月而不豫急召桓温入輔如

召桓
溫入
輔

諸葛武侯王丞相故事溫望帝臨終禪位否即
居攝不副所望時謝安王坦之在朝溫疑坦之
安沮其事心甚銜之帝在位改元咸安太子立
是為烈宗孝武皇帝玄言道家之言也不豫謂
有疾而不豫悅也王丞相
謂王導言孔明王導皆輔立幼君
故以溫擬之也銜之為言恨之也
史斷曰節文為桓溫所立雖處尊位恭默守
道而已嘗懼廢黜泣下沾襟帝雖神識恬暢
而乏濟世大略故謝安稱其為惠帝之流清
談差勝耳謝靈運謂迹其行事以為報獻之

輦從可知矣

原
秦

王之
執版
坦
手

烈宗孝武皇帝名昌明年十歲即位○桓溫來
朝詔謝安王坦之迎于新亭都下洵洵云欲誅
王謝因移晉祚坦之甚懼安神色不變洵通鑑
作洵許
拱反喧
擾之意溫既至百官拜于道側溫大陳兵衛延
見朝士坦之流汗沾衣倒執手板安從容就席
謂溫曰安聞諸侯有道守在四鄰明公何須壁
後置入邪溫笑曰正自不能爾遂命撤之與
安笑語移日郝超卧帳中聽其言風動帳開安

王願
益勿晉

笑曰郝生可謂人幕之賓矣也言諸侯有道四
姑孰疾篤諷求九錫安坦之故緩其事尋卒者篤
也甚○秦丞相清河侯王猛卒猛臨終謂秦主堅
曰晉雖僻處江南然正朔相承上下安和臣沒
之後願勿以晉為圖鮮卑西羌我之仇敵終為
人患宜漸除之以安社稷言訖而卒堅哭之曰
天不欲使吾平一六合邪何奪吾景略之速也
處音杆○正朔相承言真得正統也鮮卑謂慕
容氏西羌謂姚氏也六合上下四方言天下也

涼降
秦

秦分
為部二

○涼降于秦先是張玄靚之叔父天錫弒玄靚
而自立天錫荒于酒色政亂秦伐之兵至姑臧
天錫面縛出降姑臧縣名屬永昌○涼自張駿
僭稱王至是六世凡六十二年
而○代王拓跋什翼犍世子寔早卒繼嗣未定
庶長子遂殺其諸弟併殺什翼犍會秦兵擊代
部衆逃潰國中大亂秦分代為二部自河以東
屬代南部大人劉庫仁自河以西屬匈奴劉衛
辰使統其衆代世子寔之子珪尚幼母賀氏以
珪走依賀訥已而依庫仁庫仁奉珪恩勤不以

謝玄
不負所舉

秦兵
分道寇

廢興易意長上聲訥奴骨反易音亦 ○晉以秦人強盛為憂
詔求良將可鎮禦北方者謝安以兄子玄應詔
郝超歎之曰安之明乃能遠衆舉親玄才不負
所舉吾嘗見其使才雖履屐間未嘗不得其任
玄鎮廣陵得劉牢之等為參軍戰無不捷號北
府兵敵人畏之應去聲屐竭戟反林履也 ○秦遣兵分道入
寇陷諸郡執襄陽刺史朱序以歸已而議大舉
或謂晉有長江之險堅曰以吾之衆投鞭於江
可斷其流時中外皆諫惟慕容垂姚萇欲乘其

草木
皆為晉兵

釁勸之南伐堅遂發長安戎卒六十餘萬騎二
十七萬斷音短騎去聲 晉以謝石為征討大都
督謝玄為前鋒都督督衆八萬拒之玄遣劉牢
之帥精兵五千趨洛澗直渡水擊秦前鋒梁成
斬之石等水陸繼進陳氏殷曰澗水出河南府新安縣白石山東南入洛
堅登壽陽城望見晉兵部陣嚴整又望見八公
山草木皆以為晉兵憮然有懼色憮音武○陳氏殷曰壽陽郡名屬淮西今安豐府是也
公山在壽春北憮然失意貌 秦兵逼肥水而
陣玄使人謂曰移陣小却使我兵得渡以決勝

慕容 王 姚 稱 慕 冲 帝
容 稱 王 長 容 稱 帝

負可乎堅欲聽晉兵半渡感之麾兵使却秦兵
退不可復止朱序在陣後呼曰秦兵敗矣遂潰
玄等乘勝追擊秦兵大敗走者聞風聲鶴唳皆
以為晉兵至堅狼狽還長安復扶又反呼去聲
○却退也感迫也
狼似犬銳頭白頰高前廣後狹狼屬
無前足附狼而行失狼則不能行也
○秦慕容
垂叛據河內自稱燕王○秦姚萇起兵北地自
稱秦王是為後秦北地郡名屬陝西今耀州是也
○秦慕容冲
起兵平陽稱帝于阿房是為西燕西燕攻長安
秦王堅出奔後秦王萇執而絀之平陽郡名屬山西阿房城

名在雍州
長安西北

司馬公曰論者皆以秦王堅之亡由不殺慕
容垂姚萇愚獨以為不然使堅治國無失其
道則垂萇皆秦之能臣也焉能為亂哉李克
有言數戰則民疲數勝則主驕以驕主御疲
民未有不亡者也堅似之矣

太保建昌公謝安卒謚文靖安文雅過王導有德
量方秦寇至朝野震動安夷然圍碁賭墅捷書
至安方與客碁覽畢置坐側無喜色碁罷客問

謝文雅 安王 過 導

拓珪代魏
拔珪王稱

之徐曰小兒輩已遂破賊客去安入戶喜甚不
覺展齒折其矯情鎮物如此聖承與反田廬也喜極而躍故展齒

折也矯猶飾也鎮安也

○秦苻丕稱帝于晉陽

丕堅手也

○拓

拔珪復立為代王先是劉庫仁為其下所弒弟

頭眷代領其衆庫仁之子顯殺頭眷而自立又

欲殺珪珪奔賀蘭部依其舅諸部大人推珪為

主遂即王位徙居盛樂後改稱魏

為其之為去聲樂音洛

賀蘭狄別種名

○秦將軍乞伏國仁叛據隴右自稱西

秦王

乞伏氏國仁名鮮卑人

○燕王垂稱皇帝○西燕弒

慕容永稱
慕容永稱
苻登稱帝

其主冲立段隨又弒隨立慕容忠又弒忠立慕

容永永擊秦主苻丕丕敗南走為晉將軍馮該

邀擊殺之慕容永稱帝於長子

為去聲○長子縣名屬路州

○秦苻登稱帝於南安

登秦之疎族也

○西秦王乞伏

國仁卒弟乾歸立○秦呂光據涼州自稱三河

王尋稱涼天王○後秦姚萇先是已入長安稱

帝苻登引兵數與後秦戰互有勝負

數音朔

○後

秦主萇卒太子興立帥兵擊秦主登殺之

秦自苻健

僭號至是六世凡四十四年而亡

○燕主垂圖長子拔之殺西

無江
事左

燕主求○燕主垂卒太子寶立○貴人張氏弒
帝於清暑殿帝自敗秦之後江左無事會稽王
道子為政帝嗜酒流連而已長星見帝舉酒向
之曰長星勸汝一杯酒世豈有萬年天子邪張
貴人年二十寵冠後宮醉中戲之曰汝以年亦
當廢矣貴人使婢蒙其面而弒之在位二十四
年改元者二曰寧康太元太子立是為安皇帝

見諸現冠音貫○道子孝武弟也文穎曰長星
蓋彗之類字星光芒短其光四出彗星光芒
長如掃帚然長星光芒有二一直指或竟
天或十丈或二三丈皆妖星也蒙掩也

史斷曰武帝即位而能委任謝安謝玄等故
新亭數語足折桓温之氣肥水一戰大敗苻
秦之師是以上下輯睦晉室似有生意矣然
帝方溺於酒荒于色奏凱方旋驕氣掬面曾
不閱時遽用讒言踈退賢輔遂使王綱不振
恩威不立道子荒于朝政國寶彙以小人拜
授之榮初非天旨鬻刑之貨旁午權門毒賦
年滋愁民歲廣內殿嚴邃雜處浮屠請脩孔
廟疏入不報晚年長星告變猶不警悟房幃

安帝不道輔政

慕容德帝 慕容業王

烈禍起自戲言晉祚至此蓋已亡而未滅耳

○

安皇帝名德宗幼不慧口不能言寒暑飢飽不

辨飲食寢興皆非已出既即位會稽王道子以

太傅輔政○秃髮烏孤起於河西自稱西平王

號南涼秃髮氏烏孤名鮮卑人○燕慕容詳稱帝於中山

慕容麟襲殺詳而自立魏王珪及麟戰大破走

之遂克中山麟奔慕容德為德所殺德往據廣

固後稱帝是為南燕為德之為去聲○○涼段

業叛自稱建康公後稱涼王據張掖是為北涼

慕容盛帝 慕容稱

涼隆秦 呂降

段姓業名也

○燕段速骨作亂攻陷龍城燕主寶出

奔尚書蘭汗誘而弒之龍城在上谷郡北○燕長樂王

慕容盛稱帝於龍城是為北燕○會稽王道子

專以政事委世子元顯晉政亂東土囂然妖賊

孫恩因民心騷動自海島出作亂劉裕因討恩

有功而起○涼王光卒太子紹立庶兄纂弒而

代之呂超弒纂而立其兄隆隆後降秦而涼亡

後涼自呂光僭號至是四世凡十八年而亡

○北涼沮渠蒙遜弒其

君段業自稱張掖公亦號北涼蒙遜匈奴之種

李嵩
據燉

柔然
起於漠北

也後遷姑臧沮渠氏蒙遜名也種去聲○北凉燉煌太守李

嵩自稱涼公是為西凉後徙酒泉嵩音○柔然

起於漠北奪高車之地而居之吞併諸部士馬

繁盛雄於北方其地西至焉耆東接朝鮮南臨

太漠旁小國皆霸屬與魏為敵焉音烟耆音支朝音潮屬音竹

○柔然後秦屬國也高車亦狄種也焉耆西域國名太漠代北之地羈縻也○荆江

州刺史桓玄舉兵反初玄嗣父温為南郡公負

其才地以雄豪自處處音杵○南郡即江陵才地才能門地也嘗守

義興嘆曰父為九州伯兒為五湖長棄官歸國

長上聲○陳氏殷曰義興縣名屬常州五湖在烏程縣界蓋湖方五百里故曰五湖後為

江州刺史尋都督荆江等八州軍事據江陵荆州

荆湘雍秦梁益寧江也至是舉兵入建康殺元顯又殺道

子玄自為相國封楚王加九錫已而迫帝禪位

劉裕舉兵於京口討玄與玄兵戰大破之玄出

走斬首於江陵帝復位裕鎮京口京口郡名屬江浙今鎮江

府是也○秦赫連勃勃據朔方自稱大夏天王勃

勃故匈奴劉衛辰之子也赫連氏勃勃名也○南燕主

德卒太子超立侵略晉邊劉裕抗表伐之○北

北劉
代裕

西秦
南涼滅秦

燕為其臣馮跋所滅先是北燕主盛為其下所
 弒叔父熙立跋得罪於熙弒之而立熙之養子
 高雲未幾又弒雲而自立為去聲○後燕自慕
容垂僭號五世凡二
 十七年○魏主珪嘗殺人之夫而納其妻與之
 生子紹兇狠無賴弒珪齊王嗣誅紹而立珪謚
 道武皇帝廟號烈祖無賴猶言無藉也嗣珪長
子也○書法曰魏道武自
遷平城首遣使循行郡國可謂有恤民之心既
稱皇帝即置五經博士可謂知經國之本又制
冠服定官品亦庶乎日不暇給規模宏遠者矣
光啓後人廟號太祖宜哉然感於方士以誤其
身則不知也○劉裕拔廣固執南燕主超送建康
 學之過也

斬之

南燕自慕容德僭號至是二世凡十三年而亡

○盧循乘劉裕北

伐出自番禺直下襲建康裕被徵急還諸軍力

戰循乃還裕追破之循走交州刺史杜慧度擊

斬之

番禺音番禺郡各即廣州交州今交趾國也

○西秦乞伏公府

弒其君乾歸世子熾磐討殺之而自立○西秦

襲滅南涼先是南涼王烏孤卒弟利鹿孤立卒

弟儁檀立至是為乞伏熾磐所襲以儁檀歸殺

之南涼亡

為去聲○南涼自禿髮烏孤僭號至是三世凡十八年而亡

○秦

主興卒太子泓立太尉劉裕督諸軍伐之至潼

秦主 泓出 勃勃 安長

關遣王鎮惡帥水軍自河入渭大破秦兵遂入
長安秦主泓出降裕裕至長安送泓詣建康斬之
潼關在華陰縣○後秦自姚萇僭號至是三世九三十四年而立○夏王勃勃
陷長安稱皇帝初勃勃聞劉裕伐秦曰裕必取
關中然不能久留若以子弟諸將守之吾取之
如拾艾耳至是三秦父老聞裕將還詣門流涕
曰殘民不霑王化於今百年始覩衣冠人人相
賀公捨此欲何之乎裕還彭城勃勃遂陷長安
歸統萬裕欲南歸以成篡事故不能久留關中也統萬城名在夏州○太尉

裕自為相國封宋公加九錫裕以讖云昌明之
後尚有二帝乃使人縊帝弒之帝在位二十三
年改元者三曰隆安元興義熙弟琅琊王立是
為恭皇帝昌明孝武名也

史斷曰安帝弗辨寒燠口不能言道子元顯
並傾朝政納賄窮奢不知紀極主昏臣亂莫
熾於斯桓玄乘釁遂行篡奪劉裕舉兵誅玄
再安宗社自時厥後伐南燕斬盧循滅姚泓
晉之威令雖伸而裕之權勢駸駸乎非復前

○劉裕
移鎮壽陽

日劉下邳矣晉欲安可得乎

恭皇帝名德文即位之明年宋公裕自進爵為宋王移鎮壽陽又明年裕還建康帝在位改元者一曰元熙禪位于裕已而被弑東晉自元帝至是凡十一世一百三年西晉東晉通一百五十六年而亡

史斷曰劉裕弑安帝而立恭帝卒為裕所篡而昌明後二帝之讖應矣

胡氏曰元帝忘國大讎無恢復之志惟明帝

才略最優又降年不永餘皆碌碌不足算也嘗怪王敦蘇峻構亂桓溫廢立屢起逆謀桓玄已篡然猶綿歷百有餘年之久者尚賴王導祖逖溫嶠謝安謝玄王坦之諸賢忠義奮發平內難却強秦以扶持之也然而卒莫能恢拓中原者蓋以導知寬簡植國而不能從祖逖雍丘益兵之語安知和靜鎮國而不能從謝玄乘勝自往彭城之謀故也群賢既沒而道子元顯之徒輔之敗亡不亦宜乎

南北朝

南朝自晉以傳之宋宋傳之齊齊傳梁梁
傳陳北朝自諸國併於魏魏後分為西魏
東魏東魏傳北齊西魏傳後周後周併北
齊而傳之隋隋滅陳然後南北混為一今

以南為提頭而附北於其間

愚按南北位均體敵皆非

正統故綱目兩行分書其紀年至隋開皇九年滅陳然後太書之其先南者內諸夏也此書曾氏以南為提頭亦庶幾綱目之意也今從之

古今歷代標題註釋十九史略通考卷四之上

